

## PENDAPAT ANDA

# Tindakan untuk tunjuk kuasa tidak berfaedah

23 JAN 1988

**M**ENGAMBIL bahagian dalam satu-satu pertandingan terutama dalam peringkat antarabangsa sama ada sebagai peserta atau sebagai pengadil memanglah baik. Apakah lagi apabila ia membawa pulang kejayaan dan selanjutnya mengharumkan nama negara.

Anehnya, bagaimanakah dua orang pengadil di pertandingan antarabangsa itu dihantar tanpa pengetahuan presiden persatuan berkenaan?

Dalam pengalaman saya sebagai ahli persatuan berkenaan dan pertubuhan lain, tiada keputusan yang diambil tanpa pengetahuan pengurus atau pun presiden.

Jika keputusan sudah dibuat dalam mesyuarat tetapi kemudian ingin dimansuhkan, satu lagi mesyuarat perlu diadakan — 'Biarlah bertindak sejajar dengan perlombagaan' — kata Magiar Simen (BM 10)



Jan). **PENCAR SILAT**

Saya anggap peristiwa baru-baru ini bertujuan menunjukkan 'siapakah yang lebih berkuasa' dalam persatuan itu. Ini tidak seharusnya berlaku kerana persatuan mempunyai perlombagaan. Bertindak kerana kepentingan sendiri adalah tidak bijak.

Othman Yahya,  
Singapura 0315.

## Keputusan mesyuarat mesti dipatuhi

23 JAN 1988

SAYA tertarik kepada rencana Magiar Simen, 'Biarlah bertindak sejajar dengan perlombagaan' (BM 10 Jan).

Seumur para pemimpin persatuan mesti akur kepada keputusan yang dibuat dalam mesyuarat. Bukanakah ini dasar asas dalam setiap persatuan?

Malangnya bagi persatuan berkenaan yang pula mempunyai hubungan antarabangsa, ahli jawatankuasanya bertindak sendirian. **REN CAR (IAI)**

Saya syorkan agar para pegawai berkenaan persatuan itu terlebih dulu mengikuti kursus kepimpinan seperti yang bernahtan dianjurkan oleh sebuah pertubuhan setempat baru-baru ini. Pendek kata, usah berniaga, jika tidak tahu selok-beloknya.

Azlan Rahim,  
Singapura 0512.

## SILAT OLAH RAGA

**KEJOHANAN** Jemputan di Brunei serta pertandingan persahabatan dengan Indonesia dan Thailand adalah pendedahan utama bagi barisan pesilat negara menjelang Sukan SEA tahun depan.

Persembahan pesilat-pesilat negara di tiga pertandingan itu akan dinilai oleh Persekutuan Silat Olahraga Kebangsaan Malaysia (Pesaka) sebelum memilih wakil bagi Sukan SEA tahun depan.

Dalam program persembahan kepada MSN, Pesaka mempunyai penilaian lebih rapi untuk memilih pesilat-pesilat negara bagi memenuhi matlamat memenangi sekurang-kurangnya lima pingat emas.

Pesaka meletakkan 10 pingat emas sebagai sasaran tetapi cadangan balas Jawatan Kuasa Kaedah Latihan Projek Gemilang 90 berpendapat, hanya lima daripadanya mampu dimenangi.

Kejohanan Jemputan Brunei akan berlangsung pada Julai ini sebelum pertandingan persahabatan dengan jaguh dunia, Indonesia pertengahan Oktober ini.

Pertemuan dengan pasukan silat Thailand akan diadakan pada Februari tahun depan.

Pesaka turut menitik-beratkan persiapan menerusi Pusat Cemerlang MSN di Kuala Lumpur, Selangor, Kelantan dan Johor.

29 JAN 1988